

- 1 حمد ءي-رڻي اول-ينو،
ءولا ڪوڻو ما-ڪيڻي-يلان،
تمجڊت عيسم-نس عيڙان.
- 2 حمد ءي-رڻي اول-ينو،
اور-توت ڪوڻو تيمبخار-نس.
ار-اڪ-يتصاماح ف-ڪوڻو ڏنوب-نڪ.
- 3 ار-يجوڳي ڪوڻو تيمووضان-نڪ.
ار-يسينيف ڌات-نڪ ءي-ومضال.
ئيگ-اڪ تاج ن-رحمت د-تايري-نس.
- 5 عيبارڪ ڪوڻو ءوسان ن-تودرت-نڪ.
ايرار-اڪ-د افود-نڪ زوند جهد لبار.
ايبيد ٻڌا د-يان-ف-يضر لباضل،
ايجكام س-لحق عيفڪ-اس تاغامت-نس.
- 7 رڻي ايملا ءي-موسا ما-يقصاد،
يادج مڏن-نس اد-ڙڙان ما-يسڪار.
رڻي ا-يگان ارحيم اڳ احنين،
يپڳات صبر-نس د-تايري-نس ايزگان.
- 9 ءور-ران-يتقاما ٻڌا غ-لغاضاب،
ءور-راد-اغ-يگ د-ويلي ايجاشا.
ءور-را-ٻڌا-يڙي ف-ڏنوب-نغ،
ءولا-دا-ياغ-ياگا ف-ونشڪ لي-ستهلان.
- 11 تيگات تايري-نس ف-ويلي ت-يتوقارن
ءونشڪ لي-اتوين ايجنوان ف-واڪال.
ايساڻوڻ-ن فلائغ ڏنوب-نغ
ءونشڪ لي-ياڻوڻ لغرب زغ-شرق.
- 13 ايجنو غ-غويلي ت-يتوقارن
غمڪلي ايجنو يان غ-تاروا-نس،
اشڪو ايسن ما-زغ-نتياوسڪار،
بيسان ايزد اڪال ا-نڱا نڱني.
- 14 هاتي زوند توڳا اد-زراين-ووسان-نغ.
نمغي-د نيمغور زوند اجدڳ ن-تاڳانت،
ايعوض-د-واضو ياوي-ت،
لاح اجدڳ ايجوو-ودغار-نس.
- 17 ايمما تايري ن-رڻي ءور-دارس تمي،
تيلي ديمما ف-ويلي ت-يتوقارن.
ار-ٻڌا-يسڪار س-وفولڪي-نس ايزگان،
ءي-ڪوڻو تاسوتين ن-مڏن-نس،
ءي-ويلي ءومڙنين غ-لعهد-نس،
اوين-ت ٻڌا غ-لوصيات-نس.
- 18 ايجكام رڻي ڪوڻو ما-يلان،
ايسڪر لعش-نس غ-يڳي ن-يڳنوان.
حمدات ءي-رڻي ا-لماليڪا تجهدنين،
ڪوئي دا-يسفليدن ءي-يواليون ن-رڻي،
ار-ڪوڻو-تسڪارم س-ماد-اون-يتيني.
- 20 حمدات ءي-رڻي اي-نيمغورن ن-يڳنوان،
ڪوئي دا-يسڪارن ما-ڪيڻون-يتيري.
حمدات ءي-رڻي ا-ڪوڻو لمخلوقات
غ-ڪرايڳات ماني غ-دو-وفوس-نس.
حمد ءي-رڻي اول-ينو.
- 21
22